



Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Miraculum Novum ad tumulum S. Wenceslai, inter manus Venerabilis
Arnesti patratum; Carolus ab Arnesto Archiepiscopo Bohemiæ Rex
coronatur. Clemens Pontifex Arnesti virtutem ac prudentia honorat, ...

urn:nbn:de:hbz:466:1-42763

Primæque lineæ Apellem ostendunt. Ex linea inchoata scimus quò vel in infinitum sit itura. Tractavit hunc locum Plutarctus libro: Cur oracula edi desierint, & Seneca 7. Ep. 53.

Miraculum Novum ad tumulum S. Wenceslai, inter manus VENERABILIS Arnesti patratum; Carolus ab Arnesto Archiepiscopo Bohemiarum Rex coronatur. Clemens Pontifex Arnesti virtutem ac prudentiam honorat, eumque Apostolicæ Sedis Pœnitentiarium in Imperio Romano pro se constituit.

CAPUT VIII.

Hoc ipso tempore, quo Principis gratia florere coepit ARNESTUS, divinum quoddam miraculum ad tumulum, *Heges. A. 1345*
S. Wenceslai Duci & Martyris patratum, estimacionem Arnesti apud Principem non mediocriter auxit. Erhardus, Erhardi Cuttnensis Civis filius, adulta etate juvenis, in gravem morbum inciderat; in eo morbo, nescio quo terrore repente admisso, consternatus sic est, ut ne verbum in posterum proloqui sciret, mutusque summo parentum dolore quinto jam mense perstaret. Pragam ad S. Wenceslai sacrum corpus à miraculis

Miraculo
presenti per-
motus Caro-
lus Saccatius
S. Vence-
slao maximis
opibus cor-
dit.

culis celebre mœstissimi Parentes cum filio veniunt, & Arnesto
 supplicant. Ille nihil moratus, & jam antè, ut narravi, *S. Wenceslao*
præfidens, vocatis quām plurimis Ecclesiæ Clericis, & ministris,
 ad tumulum accessit. Spectabat *Rex Romanorum Carolus*, simul
 jubet populum DEI misericordiam adorare, & ardenter pro mi-
 sero opem postcere; tum *S. Wenceslai* capite reverenter in manus
 accepto, in muti caput deponit. Vix admoverat, mutus clarissi-
 me loqui, & beneficium *S. Martyris* prædicare; populus præ ad-
 miratione plaudere, clamare, lacrymari, & omnia, ut solet, simul
 agere. At *Caroli* animum ingressa admiratio, liberalitatem exci-
 vit, mandat continuò (quod unum maximè *Arnesto* placitum
 sciebat) *fabricam Ecclesiæ Pragensis* diligentius auctis sumtibus
 ædificari; tum hanc ipsam *Divi Wenceslai Martyris Capellam* ma-
 gnifice exornari, tantæq; fuerunt illius Templi divitiae, ut lapidibus
 pretiosis insertis, parietes omnes tegerentur, ac murorum vicem
 subirent, ut videmus. Longius etiam progressa *Caroli* Pietas ad
S. Wenceslaum usque (cujus nomen *Rex* gerebat) pervenit, vissusq;
 est *Carolus* ad demerendum sanctum Martyrem cuniculos Pietatis,
 ut ita dicam, egisse. Itaque bonâ Pontificis Romani gratiâ, sa-
 crum *B. Martyris* tumulum Arnesti manibus aperiri voluit, per-
 purgari sacros cineres, ossa, ut ætas illa solebat, vino lota decenter
 componi, ac novum in Ecclesia Pragensi festum institui diem, quo
 ejus compositionis aliqua extaret memoria. Ea de re Martyrolo-
 gium *Vetus S. Ecclesiæ Pragensis* in hunc modum loquitur. *V. Cal.*
Iulij Recollectio Ossium sive Reliquiarum S. Wenceslai glorioſi noſtri
Patroni, per Rev. in Christo Patrem Dominum Arnestum Archiep.
Primum Pragensem facta, de mandato Serenissimi Domini Caroli
Rom. Imp. ſemper Augusti, & Bohemia Regis ipso præfente. Hæc
manuscriptus Codex. Imitati Regis Pietatem, ut amat fieri, Pro-
ceres, Tumulo S. Martyris exornando affixere Emblemata quadā,
ſeu clypeos ex auro, argentoque, magno aurifucum labore & inge-
nio cusos, in quibus clypeis militaria singulorum Procerum signa
spectabantur, adeoque his clypeis insepultus S. Princeps Wence-
laus, totumque Mausoleum coniectum est. Opus hoc magnum.
In-

Inventionis, & venustatis commendationem apud Cæsarem Carolum, qui eruditos ad artificum labores oculos habebat, dicitur meruisse.

Jam illud majore beneficio *Carolum & Ernesto* adjunxit: Tenebat *Bohemiam Regnum*, miro populi ac Procerum consensu *Carolum*, sed coronatus ob angustias temporis non erat; nam corona-
tio in Imperio, deinde turbarum quartundam compositio, aliisque
negotia, non permiserant. Turpe videbatur foris honoratum,
& coronatum apparere, domi in *Patria Bohemia*, nondum ad debiti-
tos Regibus honores ascendisse. Itaque cum primum *Pragam* at-
tigit, accersitis optimis in auro Magistris, & Aurificibus, veterem
Regni Bohemiae Coronam confari, additisque pretiosissimis gemmis
novam finci, & fabrefieri jussit. Descriptione facta, ipse cum
necessarium iter in *Moraviam* haberet, Conjugi *Blancae*, sorori
Philippi Franciae Regis, opus commendat. Nihil sibi ad sumimam
diligentiam reliquum fecere Aurifices; nam licet Rege absente,
non cessabat *Regina*, & mittebat ad magistros quotidie, jamque
corona perficiebatur, cum renunciant Aurifabri, auri non nihil
desiderari. *Regina*, cui nihil in opus *Rex* de auro præterea reli-
querat, forte etiam muliebri animo, ne quid daret de suo, audit in
S. Wenceslai sacro Capite auream coronam Ducum Bohemiæ anti-
quorum inveniri. Protinus nullo (ne *Ernesto* quidem consulto)
postulat à *Canoniciis*; illi nihil suspicati, & credentes inspici velle,
mittunt. Ex hac quantum auri opus esset, aurifices accipere *Re-
gina* jubet. Ita corona nova perfecta est, *Reginâ* sibi multum pla-
cente, quod redeunti *Regi* diligentiam suam ex celeritate operis
posset approbare. Demonstratur redeunti continuo corona, ro-
gat *Carolus*: utrumne aurum operi suffecisset? negat illa, sed ex
Corona S. Wenceslai, quod defuisset, acceptum. Fulminea illa vox
Carolo Regi videbatur, ita exhorruit, animoque prostratus est:
inauspicata haec esse Regni sui initia clamabat! neque se nu-
per Patris morte doluisse magis; denique quod in *Moravia*, &
per viam reputans timuisset, id sibi accidisse (vide quanta *Caroli*
teneritudo, quantaque Pietas!) nullum jam consolationis genus,

Corona Re-
gni Bohemiz
Nova para-
tus.

Dubrav. bift.
Beh. l, 220

卷之三

et si multa tentarent *Proceres*, admittebat ad animum, lucem, ipsam oderat, tenebras & solitudinem dolori quærebat, donec

error Reginæ pulcherrimo Arnesti consilio emenda- tur.

Arnestus Archiepiscopus, authoritate suâ nullum esse peccatum, quod ignorantiâ simplici gestum erat, ostendit, emendariq; majore *S. Wenceslai* gloriâ posse docuit: nam ut antè *Ducum*, ita nunc *Re-*

gum Coronam in capite suo *S. Martyrem* habiturum. His aliisq;

rationibus opportunè allatis mox stum *Regem* crexit, atque ut ad

coronationem animum adiiceret, persuasit. Anno itaque 1347.

Comitijs Regni *Bohemie* priùs de Jure celebratis, invitatis ex

Prosp. Lupa- cius in Cal. hisp. 1347.

omnibus terris, ac præcipue ab Imperio Principibus, maximâque

Nobilitate, summâ gloriâ, in Ecclesia Metropolitana *S. Viti*, ab

Archiepiscopo *Arnesto* 2. Septemb. totius populi, bonorûmque

omnium approbatione & lœtitia, inter Sacra, cum *Regina Blanca*,

Carolus coronatur. Descensum inde ad veterem Urbem Pragensem

ad eam domum, quæ hodie *Richta* dicitur, ibi regium in morem

splendidè *Carolus*, Imperij Principes & hospites suos accepit; No-

bilitate Bohemâ pretiosissimè armatâ, *Regi* novo serviente. Ludi

deinde apparatissimi exhibiti in foro, edita simulacra belli omnia,

Coronationis Carolinæ gloria Pietate concluditur.

decursum & concursum omni genere armorum, aliisque publica

lœtitiae, & triumphorum præbita argumenta. Alterâ statim die,

cum *Rex Carolus Pietatem Regnorum esse fundamentum* crederet,

in Comitatu Principum hospitum, Procerum, omnisque Nobili-

Hagi. A. 1347 Ad Nivis.

tatis, primum lapidem cum *Arnesto* Archiepiscopo in foro *Nova*

Vrbis Pragensis in fundamenta dejecit, & *Templum Beatissima Vir-*

gini MARIE dedicavit. Tenuere ludi, & Triumphi regij mul-

tos dies; denique hospites commeatu petito pretiosissimis mune-

ribus donati, *Pragâ* discessere; Corona nova in *Tumulum S. Wen-*

ceslai Martyris illata, & Capiti sacro, ut *Arnestus* monuerat, sum-

mâ veneratione imposita est; cautum insuper Regijs litteris nè

alio in loco (nè apud Reges quidem) quam in *S. Duci* capite in

omne tempus servaretur; ita *D. Martyrem*, qui Regni titulum,

Virtutis amore, vivens contemperat, non in Cœlo tantum cœle-

stes, sed etiam in terra, & sepulchro terrestres Coronæ fugientem,

& mortuum sunt assecutæ. Sed ad *Arnestum* redeamus, quem ex-

tremo

etremo anno (1347.) Clemens à prudentia laudatissimus Pontifex, & sagacissimus virtutum explorator & aestimator, plerisque Germaniae Praesulibus tacito judicio videtur prætulisse. Interierat præceps ab equo lapsus *Ludovicus Romanorum Rex*, tot edictis à Sede Apostolica confixus, cupiebant igitur in gratiam cum Ecclesia redire non pauci Episcopi, Abbates, & Principes, Proceres Imperij, urbes ac milites, qui partes Ludovici nuper securi Ecclesiam oppugnabant: quærebatur de tot Germaniae Praesulibus unus alius, cum quo autoritatem suam Pontifex quodammodo pararetur, qui & felicitatem in reducendis tot Principibus, & prudenter ad tantum munus adferret. *Arnestum* unum omnium, aptissimum Aula Romana censuit, de quo jam pridem Avenione ea vox circumferebatur, quam Codex Manuscriptus habet: *non habere Alemanniam, immo totam Ecclesiam DEL, talem Prelatum, qui observaret legem Excelsti.* Itaque, ut loquitur *Rebdorffius*, & ex eo *Raynaldus*, Baronij Continuator, *absolutionem sententiarum in Ludo-vici Adherentes latarum in Alemannia Clemens Papa in solidum D. Arnesto Archiepiscopo commisit*, ut Praesules Principesque omnes & urbes, & quoscunque alias ad Ecclesiam redeentes reciperet, Viduâ Ludovici, filiisque ejus tantum exceptis. Jurabant ex formula in *Arnesti manibus*, qui Ecclesiæ restituebantur, cumque *Arnestus Caroli exercitum per Germaniam volantem comitaretur*, magnum ea res optimo & quietis amantissimo Praesuli attulit laborem. Adactæ ad imperia facienda Germaniæ urbes (quas inter Ratisbona, Niremberga, Witembergia universa, Argentina, Bambergia, Herbipolis, aliæque plurimæ) ad Ecclesiæ gremium redierunt. Extant hisce de rebus actis gratulatoriæ Clementis ad Cæsarem Carolum epistolæ, neque res tantæ anni unius spatio perfici potuerunt, ad annos complures productus est labor. Anno sequenti primùm Basilea, Spira, Wormatia, Moguntia aperuere, Carolo portas, plurimique ad Ecclesiæ communionem sunt recepti partim Arnesto, cumq; is recipiendis non sufficeret, Joanne Pistoriensi, internuntio Apostolico, & alijs, quos nominarat Pon-tifex, gratiam facientibus. Eruperat enim, ut loquitur Argenti-

*Arnestus
summus Pa-
tentiarius
in Germania.*

*Raynaldus in
Annalib.*

*Gordonus S. L.
in Chronolog.*

*Bellarum. in
Chronolog.*

*Spondanus in
Annal. Eccl.*

Serarius in Mo-

guntia.

*M. S. vetus Vi-
ta Arnesti.*

*Rebdorff in
Annaib.*

*Raynaldus in
Annal. Eccl.*

Tomo XVI.

Anno 1347.

*Alber. Argent.
in Chron.*

*Tomo VI. Epist.
secr. 225. &
1348.*

*Ragna. in An-
nalib. Eccl.*

Anno 1348.

*Argent. in
Chronico.*

tinas, Carolus è Bohemia, validòq; succinellus ex exercitu Germaniam peragrabat, & quā armorum terrore, quā Censurarum religione devinctos populos, ostensā veniæ, & cum Romana Ecclesia gratiæ spe in suas partes adigebat. Idem habet anno sequenti 1348. Raynaldus: *Laceffitus*, inquit, *Bavarorum Principum injurijs Carolus Rex signa adversū eos extulit, pēr q; Ruperti Ducis ac Palatini ditionem ferrum Bohemicum, flammāq; circumculit.* Formulam verò, quā in communionem Ecclesiæ reciperentur Schismatici, Arnesto Pontifex misit, quæ inter Clementis Epistolas invenitur.

Notæ in Caput VIII.

Gemmarum
ferax Bohe-
mia.

Anselmus Boë-
tius lib. de
Gemmis.

Paulus Areti-
nus in Tab. Bo-
hemie.

G. Dornav. in
Principe In-
venientiu. init.

In Notis Re-
gnis Bohemiae.

Petr. Bertius
in Tab. Geogr.
Mercat. in As-
lante.

In libro de
Gimmarii
Rudolfo dedi-
catus.

Lapidibus pretiosis, Jaspides magnâ parte sunt, & durat ad nostram usq; statem hoc templi decus. Simile opus in arce Carlsteinensi visitur; Gemmarum autem & pretiosorum lapidum ferax est Bohemia, quorum aliqui (ut nominatio de Granatis Bohemicis affirmant peritissimi quiq; Gemmarij) tolerantia, duritie, & venustate, etiam Orientales vincunt; alij colorum alacritate spectabiles studiosè petuntur, scitumq; est Italorum (quotannis, nomine prohibente, ad eam fussionem in Bohemiam venientium) dictum: Vaccam pretiosiori, quam ipsa vacca sit, lapide à Pastore in Bohemia ad Wysokam peti. Huc pertinent illa Gassparis Dornavij V. Cl. de Bohemia scripta: Innumeros Topazios, Adamantes, Jaspides, Granatos, Conchas Margaritiferas, hinc inde Bohemi eruunt. Multiplicémque agathiten, pupureúmq; amethystum, fortean haud ignobiliores ijs, quas ex oriente conquirimus, nisi opinio hominum, quæ vim sæpe veritati facit, pretium augeret. Sed de his aliis aliquando erit scribendi locus, uti & de auro Bohemico, & peritissimum gemmarum Anselmum Boëkium. Colliguntur gemmis orientalibus, & Bohemicis earumq; natura, coloribus, differentijs & pretio vide præstantissimum Rudolphi Cæsaris Pragæ Medicum, Bohe-

Bohemiam à Silesia difficiunt; κερκόνοστους δέος sunt Prolemæo, nos iisdem verbis krkonosky Hory dicimus.

Claud. Ptolemaeus in Geogr.
l. 2. qui vixit
sub A. Christi
160.

Novam Regni Coronam. Describit eam accuratis-
simè nominatis omnibus gemmis Wenceslaus Hagecius, ut dubitare
omnino non possim, eum, dum scriberet, coronam præ oculis habuisse,
nam nec clavis viculum ullum omisit. Certe pretio dignitate ac venustate
nulli alteri regia in Europa corona cedere dicitur: vidimus eam in co-
ronatione Ferdinandi IV. Anno 1646. cùmq; alia, dignitate major,
adesset, hac nostra, igne & luce gemmarum & auri, & formâ supera-
bat, velut inter ignes luna minores. Est corona, sceptrum, & pomum
aureum, anulus Regius, in quo Rubinpalas maximus spectatur. In Co-
rona Rubini Orientales sunt novem & decem, Rubini palasij octo &
viginti, Smaragdi viginti quinq; Sapphiri novemdecem, gemma majo-
res viginti; omnes orientales & pretiosissima atq; una cum anulo gem-
mæ conficiunt centum & duodecim. Scribit Remondus de Orig.
heres. L. 4. C. 8. clausam supernæ Coronam, Regem ab omni alio inde-
pendentem notare, ideoq; Regis Daniæ, Sueciæ, Bohemiæ, Hungariæ,
Neapolis, Angliæ, &c. quia superiores agnoscant, apertas supernæ
esse. Quod alias Coronas attinet, nescio. De Bohemica certe testari
possum, (testis oculatus) eam non minus supernæ clausam esse, quam
Gallicam, cuius figuram accuratissime exsculpi curavit Garanus no-
ster in sacris Rhemensibus, habetq; Corona Bohemia supernæ in me-
dio crucem auream, & in ea Christum Crucifixum ex grandi Sapphiro.
Porro vaticinium quod ante Annos ducentos in Coronam Bohemia in-
seruit Christannus, integrum ex vetustissimo Codice exscripsi & servo.

Anno 1547. &
Schickfus in
Annal. Silesia
l. 1. C. 39.

Corona Bo-
hemia super-
næ clauditur.

De Christiano Lupac. in
Calendario
19. Iul. & 30.
Novembr.
Cuthen. No-
tis ad Sylv. in
C. 3.
Dies Corona-
tionis Caroli
IV.

2. Septembri. Ita Lupacius; at Schickfus. L. 1.
C. 3. die 5. Septembri coronatum ab Ernesto Carolum scribit, Ha-
gek, die Dominico ante festum Nativitatis Beatissima Virginis; Pon-
tanus in Carolo, ipsa die Nativitatis; Chronicon Glacense M. S.
Michaëlis Præpositi Dominicæ infra octavam Nativitatis: cui pra-
altero fidem habere debeam, nescio. Interea Lupacium sequor virum
diligentissimum, & qui in suo Calendario dies memorabiles Bohemia
consignavit.

Corona 3.
VWenceslao
reddebatur.

Eiebat id ipso Coronationis die sub noctem, dabaturq; tribus Ecclesiæ Pragensis Viris in manus: Decano, Custodi, & Sacristano; qui speciale in eam rem juramentum habebant; neq; alterius gentis esse poterant, quam nati Bohemi; qua de re sunt Caroli Cæsaris littere, & Apostolice Clementis VI. quibus excommunicat Regem, qui coronam Prælatis restituere cunctaretur; debebat vero restitui cum munere, (trecentis scilicet sexagenis grossorum Bohemicorum) quæ pecunia in Templi sarta recta conuertebatur.

Anno 1347.

VENERABILIS Arnestus pro Regum Bohemiæ Coronatione Diploma successoribus Archiepiscopis impetrat; Universitatem Pragensem Carolus Rex Bohemiæ consilio Arnesti fundat, cuius Universitatis primus Cancellarius Arnestus constituitur.

CAPUT IX.

Arnestus o-
pera sua æ-
ternare cu-
piebat.

Habebat hoc eArnestus perpetuum, ut rebus, quas semel inchoarat, quandam semper æternitatem addere cuperet; itaque non contentus inchoasse, divinitatis imitatione, eadem inchoata conservabat, & conservari semper, nunquam perire, volebat. Et sanè tot vicissitudines temporum, voluntatum, ac morum, tot sæculi mutationes & inclinaciones sunt, ita orbis in orbem vertitur, ut nulla unquam supervacanea.